

Universitätsbibliothek Paderborn

Medvlla Theologica

Ex Sacris Scriptvris, Conciliorvm Pontificvmqve Decretis, Et Sanctorvm
Patrvm Ac Doctorum Placitis Expressa ; In qua, quidquid tum ad fidei
mysteria sanè ac rectè intelligenda, & ab erroribus quibusvis secernenda,
tum ad sacramenta debitè conficienda & ministranda, tum ad actiones
humanas iuxta ...

Abelly, Louis

Coloniæ Agrippinæ, 1658

IV. An prater canonicas scripturas sint aliqua traditiones fide diuinâ
credenda.

urn:nbn:de:hbz:466:1-38954

SECTIO IV.

An prater Canonicas Scripturas sint aliquæ traditiones fide diuinam credenda.

Obseruandum est nos hic sumere nomen traditionis, prout communiter sumi solet à sanctis Patribus & Doctoribus; nempe pro doctrina diuinitus reuelata & tradita, quæ tamen scripta non inuenitur in villo scriptura canonice libro: vnde S. Epiph. hæresi 61. Non omnia, inquit, à diuina scriptura possunt accipi: quapropter aliqua in scriptis, aliqua in traditione sancti Apostoli tradiderunt.

Hoc supposito, dicendum est dari aliquas traditiones diuinas, quæ & Apostolicæ vocantur; quia Apostoli eas à Christo acceptas ad nos transmiserunt; quæ traditiones parem cum scripturis canonicis authoritatem habent; quibus proinde eadem fide atque illis credendum est. Probatur 1. ex Apostolo 2. ad Thess. cap. 2. Tenete traditiones, quas didicistis, sive per sermonem, sive per epistolam nostram: in quem locum ita scribit S. Chrysost. Hinc pater, quod non omnia per epistolam tradiderit, sed multa etiam sine litteris.

Probatur 2. ex Concil. Trident. sess. 4. in c'ato decreto de canoniciis scripturis: vbi dicitur, veritatem & disciplinam Christianam contineri in libro scriptis, & sine scripto traditionibus, que ipsis Christi ore ab Apostolis accepta, aut ab ipsis Apostolis, Spiritu Sancto dictante, quasi per manus tradita, ad nos usque peruenierunt. Eadem veritas antea definita fuerat in Concilio Niceno secundo, actione 7. vbi haec verba habentur: Fateremur unanimiter nos ecclesiasticas traditiones sive scripto, sive consuetudine valentes & decretas retinere velle, quorum de numero est imprimis effiguratio (& paulo post) Qui aut si fuerint aliud sentire aut docere, aut mori importum hereticorum ecclesiasticas traditiones contaminare, &c. anathema.

Probatur 3. auctoritate sanctorum Patrum: S. Basili lib. de Spiritu Sancto cap. 17. Dogmata, inquit, que in Ecclesia præ-

prædicantur, quædam habemus ex doctrina scripto prodita, quædam rursum ex Apostolorum traditione, in myfforio, id est, in culto tradita recepimus; quorum utraque parentem vim habent pietatem: S. Epiphanij hæresi 61. Oportet autem, inquit, in traditione uti, non enim omnia à Scriptura diuina possunt accipi; quapropter aliqua in scripturis, aliqua in traditione sancti Apostoli trædiderunt.

Probatur 4. ex eo, quod multa sunt, quæ fide diuinæ credimus, quæ tamen nusquam in scripturis reperiuntur. e. g. credimus in una diuina essentia esse tres personas distinctas; & tamen nomen personæ in scripturis ad id significandum expressum non reperitur. Credimus Filium esse Patri consubstantiale, & ita in Concilio primo Nicenæ definitum est; nec tamen vox consubstantialis haberetur in scriptura. Credimus sanctissimam Mariam Matrem Dei filiæ, & esse semper virginem; & Heluidius, Iouianus, & liisque contrarium docentes tanquam hæretici proscripti sunt, vt patet ex S. Epiph. hæresi 48. & ex S. August. hæresi 82. & 84. Item ex S. Hieron. in libris contra præfatos hereticos; & tamen nullibi in scripturis hæc veritas expressa innenit. Credimus similiter ad baptizati validitatē necessariò proferendas esse has voces (Ego te baptizo in nomine Patris, & Filii, & Spiritus Sancti) & tamen nusquam in scripturis hæc prolatio ore facienda prescribitur, aut necessaria esse dicitur. Denique ipsam scripturam sacram esse à Deo reuelante, ac in ea verbum Dei continet, nusquam nisi ex traditione scimus; & tamen vt articulum fidei credimus. Ergo multa sunt, quæ fide diuina credituntur, licet in scripturis expressa non habeantur.

Obseruandum est autem præter traditiones illas Apostolicas, seu diuinæ, esse quasdam alias purè ecclesiasticas, quæ ipsius Ecclesie seu prælatorum & pastorum vel authoritate vel approbatione expressæ aut tacitâ post Apostolorum tempora introductæ sunt. Quæ licet parentem à Christianis seruanda sunt, sicut & aliae leges ab Ecclesia ipsis impositæ.

SECTIO